

**Ammasumik ataatsimiinnermi oqaluuserisassat:**

**Imm. 01 Oqaluuserisassat akuersissutigineri**

**Imm. 02 Allaffeqarfimmit paasissutissiineq**

**Imm. 01 Oqaluuserisassat akuersissutigineri**

**Imm. 02 Allaffeqarfimmit paasissutissiineq**

**Imm. 3.1 Imm. 3.1 Sisimiuni Maniitsumilu nutarsaanermut aningaasaliissutaasunit  
agguaassineq**

**Imm. 3.2 Kangerlussuarmi inatsimmik eqquutsitsisumik eqqagassalerinermik suliaqarnermut  
sanaartornissamut ilassutitut aningaasaliineq**

**Imm. 3.3 Teknikkeqarnermut Avatangiisinullu ataatsimiititaliamut januaarimut  
aningaasaqarnermut nalunaarusiaq – Ingerlatsineri sanaartornermilu suliat**

**Imm. 4.1 Qimmeqarneq pillugu Qeqqata Kommuniata ileqqoreqqusassaatus siunnersuut**

**Imm. 08 Tamalaat**

**Peqataasut:**

***Inuit Ataqtigii***

Nivi H. Efraimsen

***Siumut***

Gedion Lyberth, Aqqalu Skifte, Barnabas Larsen

***Naleraq***

Karl Lyberth

*Nalunaaruteqarlutik peqataannngitsut:*

*Nalunaaruteqaratik peqataannngitsut:*

### **Imm. 3.1 Sisimiuni Maniitsumilu nutarsaanermut aningaasaliissutaasunit agguaassineq**

*Journal nr. XX.XX.XX ERP Illuutininut nutarsaanissamut aningaasaliissutit/Ataatsimoorussat 500001*

#### Tunuliaqutaq

Qeqqata Kommuniani illunuk inuussutissarsiorfiusunik aserfallatsaaliinissamik pilersaarusiornissamut 2017-imut missingersuutitigut nutarsaanissamut aningaasaliissutit pilersinneqarput, taamaaliornikkut siunissami illut piuinnaarissaat qulakkeerneqarsinnaalluni.

Teknikkeqarnermut Avatangiisinullu immikkoortortaq Sisimiut aamma Teknikkeqarnermut Avatangiisinullu immikkoortortaq Maniitsoq tamarmik immikkut Teknikkeqarnermut Avatangiisinullu ataatsimiititaliamut ukiumut aggersumut nutarsaanissamut aningaasaliissutinik agguataarinermi allannuutit pillugit immikkut tamarmik ukiut tamaasa suliamik saqqummiussisassapput.

15 mio. koruunit agguariaaseq Sisimiuni Teknikkeqarnermut Avatangiisinullu immikkoortortamut 9 millionit aamma Maniitsumi Teknikkeqarnermut Avatangiisinullu immikkoortortamut 6 millionit atorlugu maanna agguanneqarput. Maniitsumi Teknikkeqarnermut Avatangiisinullu immikkoortorta q namminneq pissaminut kingusinnerusukkut missingersuusiussapput.

#### Maleruagassatigut tunngavigisaaq

Teknikkeqarnermut Avatangiisinullu ataatsimiititaliaq sanaartornermut atuiffimmut 562040600 akisussaasuvoq.

Qeqqata Kommuniata illuutini nammineq akisussaaffigai.

#### Pissutsit atuuttut

Aserfallatsaaliinermut aningaasaliissutit ukiorpassuarni killeqarnikuusimapput, taamaalillunilu paarinniinnarissaq siunertaralugu aserfallatsaaliinissaq ajornakusoorsimalluni, tamatumalu saniatigut ileqqupalaajusimavoq, illut aatsaat aserfallalluinnaraangata suliasanik aallartitsisarneq taamaaliornikkullu nutarsaanissaq akisunerusarluni.

Nalinginnaasumik piffissaagallartillugu aserfallatsaaliineq ingerlanneqartassaaq, taamaalilluta siunissami pigiinnarsinnaaniassagatsigit.

Sisimiuni nunaqarfiinilu 2024-mut agguatarineq, 2023 nutarsaanissamut aningaasaliissutinut missingersuutinik nalilersueqqinneruvoq. 2024-mut missingersuutini suliniutit ingerlareersut ingerlatiinnarneqassapput, soorlu SISIP silataaniit oqorsaqqinnera B-733. Nalunnguarfiup Atuarfiani igalaanik taarsersuineq nanginneqassaaq, Atuakkanik atorniartarfikup allaffinngortinnissaa siunertaralugu nutarsarneqarnera, Sarfanguani umiatsiaaraleriviup nutaamik immikkut kissarsuutilerana. Amutsiviup immermik pilersorneranut erngup aqquataata taarsernerana, Sarfanguani meeqeriviup kissarsuutaata taarsernerana, Qupanuk, Utoqqaat iluani kiassarnermut atortut nutarsarneri. Minngortuunnguup Atuarfiata ungasianiit/ikuallaavimmiit kiassarneqalernissaa Suliniutit allat annikisnerusut ilanngussaq 1.-imi takuneqarsinnaapput.

Maniitsumi nutarsaanerit annerit tassaapput, mini kollegiet oquiarnera B-1126 aamma B-1127, familiecenterikup oquiarnera B-620, ilanngussaq 2 takuuk.

#### Atuilluartuunissakkut kingunerisinnaasai

Pilersaarutit aserfallatsaaliinerup kingunerissavaa, atortuutitta illuutittalu siunissamut paariinnarneqarnissaat siviuserusumilu atornerqarsinnaanissaat. Aammattaaq illuutitigut pioreersut

paariinnarsinnaagutsigit pisariaqanngitsumik illunik nutaanik sanasariaarutissaagut, tamannalu inuiaqatigiinnut akikinnerusaaq.

#### Aningaasaqarnikkut allaffissornikkullu kingunerisinnaasai

Sisimiuni Teknikkeqarnermut Avatangiisinullu immikkoortortaq 2024-mi nutarterinermut aningaasaliissutit pillugit aningaasanik immikkoortitanik agguataarinissamut 9 million koruuninik siunnersuutitalimmik ilanngussamik 1-mik takkusaqarpoq. Maniitsumut 6 mio. kr. atorneqassapput, ilanngussaq 2.

Iutigitillugu suliniutini ataasiakkaani imaluunniit ajoqutinik tassanngaannaq pilersoaqartillugu iluarsisariaqakkanik isumaqatigiissusiortoqarnera malillugu sapinngissamik pitsaanerpaamik aningaasaliissutit tamakkiisut atorsinnaajumallugit, ukiup naatsorsuuseriffiusup ingerlanerani agguataarinermi allatut pingaarnersiutinissamut Teknikkeqarnermut Avatangiisinullu immikkoortortaq pisinnaatinneqarpoq.

#### Allaffeqarfiup naliliinera

Aningaasaliissutit ilai sanaartukkat pigisatta piujuarnissaat siunertaralugu atussavagut, soorlu illup iikkersuutaanik qalipaanernut, pisariaqalernerani nutaanik ussinnerusunik igalaalersuineranut, soorlu silaannarissarfilersuineranut, silaannarissarneq kuuffeqarnerlu eqqarsaatigalugit nutarsaanermut, sarfamik kiammillu atuinninnerulernissaq aamma siunertaralugu.

Suliniutit missingersuutitaleriikkat aammalu ukiup siuliani aallartinneqarsimasut ingerlaannarnissaat pingaarutilerujussuuvooq, tamatuma qulakkiissammagu, suliniutit siusinnerusukkut akuersissutigineqartut naammassineqarnissaat.

Illut nutarsarneqarnissamik pisariaqartitsisut sinneri atuisut suleqatigalugit nassaarineqarput, pilersaarut tassaavoq, atuisunik suleqateqarluni ukiumiit ukiumut suliassanik nalilersueqqittarnissaq, tamatumani pilersaarusiornermi atuisut pisariaqartitaat tunngavilersuutaallu ilanngunneqartassallutik. Taamaaliornikkut Teknikkeqarnermut Avatangiisinullu immikkoortortaq teknikkikkut tunngaviusumik misissuinissamut piffissanissaaq.

#### **Innersuussut**

Teknikkeqarnermut Avatangiisinullu immikkoortortap Teknikkeqarnermut Avatangiisinullu ataatsimiititaliamut innersuussutigaa:

1. Sisimiuni Teknikkeqarnermut Avatangiisinullu immikkoortortap ataani Aserfallatsaaliinermut aningaasaliissutinut 9 mio. koruunit aammalu Maniitsumi Teknikkeqarnermut Avatangiisinullu immikkoortortap ataani Aserfallatsaaliinermut aningaasaliissutinut 6 mio. koruunit ukiumut aningaasaliissutit agguataarneqassasut.
2. Suliariumannittussarsiuussereernerup kingorna neqeroorutaasut missingersuutinik naapertuutinngippata, missingersuutit tamakkiisut sinaakkutaasut iluanni Teknikkeqarnermut Avatangiisinullu immikkoortortaq naligiissaarisinnaanerani pingaarnersiuisinnaanerani pisinnaatineqassasooq. Nutarsaanermut aningaasaliissutit iluanni missingesutinit iluarsisuteqarneq pingaarnersiunerlu Sisimiuni Teknikkeqarnermut Avatangiisinullu immikkoortortamit isumagineqartassasooq.

#### **Aalajangiineq**

Innersuussut akuersissutingineqarpoq

**Ilanngussat**

1. 2024-mut nutarsaanermut aningaasaliissutinit agguataarinissamut innersuussut – Sisimiut
2. 2024-mut nutarsaanermut aningaasaliissutinit agguataarinissamut innersuussut – Maniitsoq

### **Imm. 3.2 Kangerlussuarmi inatsimmik eqquutsitsisumik eqqagassalerinermik suliaqarnermut sanaartornissamut ilassutitut aningaasaliineq**

#### **Journalnr. XX.XX**

##### Tunuliaqutaq

Kangerlussuaq Sisimiut Kommuneanut nuutsinneqarmalli avatangiisinut immikkoortoq pillugu oqartussaannikkut agguataarneqarnera ersarinnikuusimangilaq. Kalaallit Nunaanni eqqagassalerinermut pilersaarummi 1996-imeersumi allaqqaagaagaluarpoq, ikuallaavimmik 15-16 mio. koruuninik nalilimmik sanaartornissamut aningaasaliissutinik qulakkeerisoqassasoq. Aningaasaqarnermullu inatsimmi aningaasat immikkoortinneqarnikuunngisaannarput, taamaattumik immikkoortumik kommunimut tunniussinissamik isumaqatigiissusiortoqarnikuunngilaq. Mittarfeqarfiit A/S pilersinneqarnissaanut inatsisitigut eqqaavissuup Namminersorlutik Oqartussat ataaniiginnarnissaat aalajangersarneqarpoq, kommunimili nalinginnaasumik suliaasaartut, ullumikkut Mittarfeqarfiit isumagineqartut, kommunimut tunniunneqassallutik.

Taamaattumik Kangerlussuarmi eqqagassalerineq - tassungalu atatillugu inatsimmik malinnilersitsinissaanut - Qeqqata Kommunianit tiguneqartussanngorpoq, taamaasilluni kommuni eqqagassalerinermut systemimik nutaarluinnarmik pilersitsisariaqarluni. Tassa imaappoq maannakkut ingerlatsinerneq eqqaavissuarmi ammaannartumik ikuallaaneq ingerlanneqartarnikoq maannakkut mittarfeqarfiit ikuallaasarneq unitsinnikuuaat, piaartumillu iluarsiiissutissanik nassaartoqartariaqarluni. Allaffeqarfik borgmesterilu arlaleriarlutik Namminersorlutik Oqartussanut eqqagassalerinerup inatsisinik malinnilersitsinissaanut aningaasaqarnikkut taarsiissutissamik isumaqatiginninniarloqarnissaanik qinnuiginninnikuupput, tamannalu itigartitsissutigineqartarpoq. Paarlattuanik Avatangiisinut aningaasaateqarfik 3.120.000 mio. koruunini akuersissutini nutarsarnikuuvaa. Aammalu sulii 3.000.000 mio. koruuninik tunniusseqqissinnaalluni paasissutissiissutigalugu.

##### Maleruagassatigut tunngavissaq

- Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersoq.
- Avatangiisinut Aningaasaateqarfik pillugu Inatsisartut inatsisaat nr. 9, 27. november 2018-meersoq
- Eqqakkat pillugit Namminersorlutik Oqartussat nalunaarutaat nr. 3, 7. januar 2021-meersoq.
- Mittarfeqarfiit pilersinneqarnerat pillugit Inatsisartut inatsisaat nr. 19, 21. november 2022-meersoq.
- Kommunit ESANI-llu akornanni ingerlatsinerneq isumaqatigiissut.

##### Pissutsit atuuttut

Kangerlussuarmi eqqagassalerinerup misissorneqarnissaannut pitsannorsaavineqarnissaannullu Namminersorlutik Oqartussat 2014-imi aningaasanik immikkoortitsipput. Tamanna tunngavigalugu Inuplan siunissami eqqagassalerisarnissamut nalunaarusiorpoq, nalunaarummi eqqaaveqarfinnik pingasunik 29 mio. koruuningajalluinnarnik naleqartunik aaqqiissummik allaaserineqarluni. Assartuinerneq aaqqiissummut naqiterummut aserorterivimmullu aningaasaliissuteqarnissamik pisariaqartitsivoq. Tamanna aallartinneqanngisaannarpoq.

2018-imi kommunit ataatsimoorussamik eqqagassalerinermut suliffeqarfik ESANI A/S pilersippaat, siunissami illoqarfinit nunaqarfinniillu eqqakkanik poortorneqarsimasunik ikuallaavinnut nutaajusunut marlunnut ikuallatassanngorlugit nassiussuisalertussaq. Kangerlussuarmi suliaasaq tassaassaaq, ESANI-p eqqakkanut umiarsuaa sikuunnginnerata nalaani juunimiit oktobari tikillugu tikittarnerani eqqakkat eqqortumik poortorneqarsimasut umiarsualivimmut assartorneqartassallutik. 2021-mi 2022-milu Avatangiisinut Aningaasaateqarfik misiliummik suliniummut marlunnik katillugit 3.120.000 mio. koruuniusunik akuersissuteqarpoq, tassani eqqakkat containerinut poorlugit assartorneqartussaallutik. Umiarsuup kranianut containerit oqimaappallaalertussaammata, eqqakkat naqinneqarsinnaanngitsut paasineqarpoq. Qaammat ataasiunngitsorluunniit ulikkaarnissaat naatsorsuutigineqarput, taamaattumillu

**Teknikkeqarnermut ataatsimiititaliap februar-ip 8-ni 2023 ileqquusumik ataatsimiinnerani 01/2024  
oqaluuserisassat**

oktoбарimit juuni tikillugu Kangerlussuup sikuunera patsisaalluni eqqakkanik aallerfiusinnaasannigmat aaqiissut tamanna naapertuunnani.

Namminersorlutik Oqartussat isumaqatiginninniarnissamut itigartitsineranut atatillugu, 2023-mi septembarimi allaffeqarfik Avatangiisinut Aningaasaateqarfimmut qinnuteqarpoq, siusinnerusukkut akuersissutigineqartut ataatsimoortillugit akuersissutigineqassasut, taakkulu eqqakkat poortorneqartarnissaannut suliniummut allaaserinninneq nutaaq aallaavigineqassalluni. Tamanna januar 2024-mi akuersissutigineqarpoq. Takuuk ilanngussa 2.

*Kangerlussuarmi inatsimmik eqquutsitsisumik eqqagassalerinermut suliaqartarnissamut sanaartorneq*  
Eqqagassalerinermik pilersitsinissamut Avatangiisinut Aningaasaateqarfik nutaamik akuersissuteqarpoq, tamatumalu kingorna eqqakkat ikuallassinnaasut katersorneqartassapput poortorneqarlutillu, toqqortarinqarnissamut nassiunneqarnissamullu amerlassusaat naammaleraangata umiarsualivimmu assartorneqartassallutik. Eqqakkat naqiterneqarnikut silami ukiisinneqartassapput, soorlu tamanna aamma Tasiilami ingerlariusingineqartoq. Suliniutip peqqissaarullugu nassuiaataa ilanngussa 1-imi takuneqarsinnaavoq.

Kangerlussuarmi piukkunnaatilimmik illumik Mittarfeqarfinit tiguneqarsinnaasumik peqanngimmat oqaatigineqassaaq. Illoqarfittaani umiarsualivittaani. Tamatuma saniatigut umiarsualivimmu aqqusineq ima ajortigaaq, umiarsualivimmi eqqagassalerisarnissaq naapertuutinnitsoq imaluunniit piffissatigut iluanaarutissartaqanngitsoq nalilerneqarluni. Soorluttaaq umiarsualivimmi innaallagissamik pilersuineq naammangitsoq. Taamaattumik eqqakkat matoqqasumik isumagineqartarnissaannut sulisunut atortulersuutissaqartitsisumik silaannarissarfeqartumillu piukkunnaatilimmik pitsaasumillu sanaartortoqarnissaanik piumasaqaataavoq. Soorluttaaq poortuinissamut assartuinissamullu maskiianik pisiniartoqassasoq.

Atuilluartuunissakkut kingunerisinnaasai

Ammaannartumik ikuallaaneq peqqinnermut avatangiisinullu ulorianaateqarpoq, taamaalillunilu inatsinik unioqutitsinerulluni. Soorluttaaq ammaannartumik ikuallaasarneq Kangerlussuarmi takornariaqarnikkut ingerlatsiviginninnissamik, taamaalillunilu UNESCO-immikkoortumut aallaaviunissamik kissaateqarneranut naapertuuttuunani.

Aningaasaqarnikkut allaffissornikkullu kingunerisinnaasai

Inatsinik eqquutsitsisumik eqqagassanut aaqiissummik pilersitsinissamut sanaartornissamut aningaasartuutit.

<b>Aningaasaliinissamut pisariaqartitsineq</b>	<b>Aningaasartuutissatut missiliutit</b>
Illu sulisunut atortulersuutissaqartitsisooq	Kr. 5.000.000
Lastbili naatiffimmik amoorutitalik.	Kr. 2.000.000
Naqiterivik + poortuut (wrapper)	Kr. 1.000.000
Siornatigut usilersuut	kr. 750.000
Assaatit	kr. 750.000
Toqqorsivimmik piareersaaneq	Kr. 500.000
<b>Katillugit</b>	<b>Kr. 10.000.000</b>

Avatangiisinut Aningaasaateqarfik katillugit 3.120.000 koruuninik akuersissuteqarsimanermik uppenarsaavoq. (25 %-imik nammineq aningaasaliissuteqarluni) Tamatuma saniatigut suliniummut 7

atorneqarsinnaasumit immikkut aningaasaateqarfimmit 3.000.000 koruuninik (25 %-imik nammineq aningaasaliissuteqarluni) aningaasaateqarfik akuersissuteqaqqissinnaanermik periarfissaqarneranik paasissutissiivoq. Inaarutaasumik tunniunneqariarpat akuersissutaasoq missingersuutinut ilanngunneqassaaq. Maannamut sanaartornermut aningaasartuutit katillugit 5.160.000 koruuninik annertussuseqarput (takuuk ilanngussaq 3).

#### Allaffeqarfiup naliliinera

Allaffeqarfimmit nalilernerqarpoq, ammaannartumik ikuallaasernerup unitsinneqarnissaanik periarfissaqartoq aammalu inuiaqatigiinnut naapertuuttumik eqqagassalerinermut aaqqiissummut naleqqussakkamik poortuinissamut nassiussinissamullu aaqqiissuteqarnissamik periarfissaqartoq. Tassa eqqakkanik annertuunik isumaginniffiusinnaasut kiisalu ukiuunerani toqqortariffiusinnaasoq. Allaffeqarfiup naliliinerivattaaq aningaasaqarnikkut annertunerusumik taarsiinissamut Namminersorlutik Oqartussanut isumaqatiginninniarnissaaq iiluatsinneqarsinnaanngitsaq.

#### **Innersuussut**

Teknikkeqarnermut Avatangiisinullu immikkoortortap Teknikkeqarnermut Avatangiisinullu ataatsimiititaliamut, Aningaasaqarnermut ataatsimiititaliamut Kommunalbestyrelsimullu akuereqqullugu innersuussutigaa,

Kangerlussuarmi inatsimmik eqquutsitsisumik eqqagassalerinermik pilersitsinissami sanaartornermut suliniummut ukiumut missingersuusiorfiusumut 2024-mut 2.160.000 koruuninik aammalu ukiumut missingersuusiorfiusumut 2025-mut 3.000.000 koruuninik ilassutitut aningaasaliisoqassaaq.

#### **Aalajangiineq**

Innersuussut akuersissutigineqarpoq

#### **Ilanngussaq**

- Ilanngussaq 1: Avatangiisinut Aningaasaateqarfimmut suliniummut allaaserinninneq nutaaq ulloq 8. september 2023-mi nassiunneqartoq
- Ilanngussaq 2: Avatangiisinut Aningaasaateqarfimmit akuersissut nutaaq ulloq 8. januar 2024-mi tiguneqartoq
- Ilanngussaq 3: Kangerlussuarmi eqqagassalerineq pillugu ikkussuinermit immersugassaq



**Imm. 3.3 Teknikkeqarnermut Avatangiisinullu ataatsimiititaliamut januaarimut  
anigaasaqarnermut nalunaarussiaq – Ingerlatsinermi sanaartornermilu suliat**

**Journalnr. 06.01.02**

05-02-2024 tikillugu naatsorsuutininut ikkussisoqarsinnaalluni atuiffilersunertalimmik 2024-mi januaarimut anigaasaqarnikkut nalunaarussiaq naatsorsugaavoq. Sanaartornermut anigaasaliissutinik 2023-miit 2024-mut nuutsineq sulii naammassineqanngilaq taamaattumillu nalunaarusiami matumani sanaatornermut anigaasartuutit ilanngunneqanngillat.

**Ingerlatsinermit kisitsit pingaarnerit**

Teknikkeqarnermut Avatangiisinullu immikkoortortami ingerlatsinermit immikkoortoq 41,7 procentinik anigaasangorlugu 1 mio. koruuninik atuinermit takutitsivoq. Ingerlatsinermit immikkoortumut akiligassiissutit sulii akilerneqanngitsut 3 mio. koruuninik annertussuseqarput. 2023-mi kvartalit sisamassaannut eqqaavilerinermit anartarfilerinerimullu kiisalu 2023-mi decembarimut eqqagassanut akiliutinit isertitat ukioq naatsorsuuseriffiusumi 2023-mi piffissakkaartunngortinneqarnikuupput, taamaattumik Sisimiuni Teknikkeqarnerup ataani siusinnerusumut sanilliullugu atuineq ukioq manna aallaaneruvoq.

**Regnskab 2024** 

Level1	OPR Budget	OMP	TB	Nyt Budget	ÅTD I År	ÅTD Sidste År	ÅTD Forrige År	Relativt Forbrugs %	Forbrugs %	Rest Budget	Prognose for Året
☐ Teknik Udvalg	32,130,122	-2,129,000		30,001,122	1,042,571	1,874,288	969,291	41.70 %	3.48 %	28,958,551	12,510,852
☐ Brandvæsen	4,577,081			4,577,081	305,932	379,494	385,115	80.21 %	6.68 %	4,271,149	3,671,187
☐ Planafdelingen	570,877			570,877		240,369	4,077			570,877	
☐ Teknik Maniitsoq	10,223,824			10,223,824	276,211	1,359,507	1,148,309	32.42 %	2.70 %	9,947,613	3,314,527
☐ Teknik Sisimiut	16,758,340	-2,129,000		14,629,340	460,428	-105,081	-568,210	37.77 %	3.15 %	14,168,912	5,525,139
<b>Total</b>	<b>32,130,122</b>	<b>-2,129,000</b>		<b>30,001,122</b>	<b>1,042,571</b>	<b>1,874,288</b>	<b>969,291</b>	<b>41.70 %</b>	<b>3.48 %</b>	<b>28,958,551</b>	<b>12,510,852</b>

**Akissarsianut anigaasartuutit:**

**Sisimiuni Teknikkeqarnermi akissarsianut anigaasartuutininut tunngatillugu nikinganeramik annertunersumik akunnermusialinnut kiisalu Teknik Sisimiut stab-imi qaammammusialinnut qaanngiuttoornernik akissarsititsinermit peqquteqarpoq. Akunnermusialinnut qaanngiuttoornernik akissarsititsinerit ukiumi suliaqarnermik peqquteqarpoq, tassunga ilaallutik aputaajaaneq kuuffissuarnillu ingerlatsineq. Akunnermusialinnut akissarsianut anigaasartuutit missingersuutininik malinnipput. Qatserisartoqarfimmi akissarsianut anigaasartuutini nikinganerit sulisut paarlakaanneranut atatillugu qaammattusialinnut anigaasartuuteqarnerunermik peqquteqarpoq. Piffissami matumani atorfiit amerlassusissamut uternikuupput.**

**Teknikkeqarnermut ataatsimiititaliap februar-ip 8-ni 2023 ileqquusumik ataatsiminnerani 01/2024  
oqaluuserisassat**

Regnskab 2024



Level1	OPR Budget	OMP	TB	Nyt Budget	ÅTD I År	ÅTD Sidste År	ÅTD Førrige År	Relativt Forbrugs %	Forbrugs %	Rest Budget	Prognose for Året	Prognose for Årets Merforbrug
▣ Teknik Udvalg	42,992,262	2,129,000		45,121,262	4,061,329	3,742,576	3,863,693	108.01 %	9.00 %	41,059,933	48,735,949	3,614,687
▣ Brandvæsen	6,794,051			6,794,051	667,451	666,234	712,272	117.89 %	9.82 %	6,126,600	8,009,407	1,215,356
▣ Teknik Maniitsoq	14,574,048			14,574,048	1,199,003	1,085,609	1,096,929	98.72 %	8.23 %	13,375,045	14,388,035	-186,013
▣ Teknik Sisimiut	21,624,163	2,129,000		23,753,163	2,194,876	1,990,733	2,054,492	110.88 %	9.24 %	21,558,287	26,338,506	2,585,343
<b>Total</b>	<b>42,992,262</b>	<b>2,129,000</b>		<b>45,121,262</b>	<b>4,061,329</b>	<b>3,742,576</b>	<b>3,863,693</b>	<b>108.01 %</b>	<b>9.00 %</b>	<b>41,059,933</b>	<b>48,735,949</b>	<b>3,614,687</b>

## **Sanaartornermik ingerlatsinerit**

Sanaartornermut missingersuutaasuniit 05-02-2024-mi 1 mio. koruuninik atuisoqarnikuuvoq.

Sisimiunut tunngatillugu 2024-mi januaarimi sanaartornermik atortulersuutinullu suliat angisuut killiffii tassaapput:

Sarfanguani Illu tamatigoortoq aningaasaliissutinik iluarsiivigineqassaaq, akiliisinnaajunnaarnerullu kingorna entreprenørimik nutaamik isumaqatigiissusiortoqarluni. Atortussat tamarmik Sarfanguanut assartorneqareerput, sanaartukkamillu inaarsaaneq aallartinneqarpoq.

Akiani kommunip pilersarusiorfigineqarnerani tapiliussap 30-p kuuffissuarnut, imermut, innaallagissamut aqputinut kiisalu aqqusinermi qullersuarnut atatillugu sanaartorfissagissarneqarnera naammassivoq. Aqquserngup nunallu naammassiniarnera ukiuunerani unikkallarpoq, aasamut suliarineqassaaq.

Ilinniartut ineqarfianni ungasianit kiassarnermik pilersitsivigineqarluni Nukissiorfinniit sanaartorfissagissaasoqarpoq. Ungasianiit kiassarnermut aqputit matuneqarpata aqqusinermi qullilersuisoqassaaq.

Kunuuteralaap aqputaani Qivittoqarfimmilu kuuffissuit aqputaat nutaat naammassipput attavilerfigineqarsinnaallutillu, nunamik suliaqarneq aasamut naammassissaaq.

Jaakunnguup aqputaani kuuffissuit nutaat kuuffissuarmut maqitsivittallit ukiuunerani uninngatinneqarallarput. Maqitsiviit maqitsissutillu naammassipput sarfamillu atuinermut uuttuutip illuarartassaa napparneqarluni, aasamullu kuuffissuit sinnerinik pilersitsinikkut naammassineqassalluni. Kangerlussuarmi utoqqarnut inissiat marluk immikkoortoq 1 naammassivoq INI-mullu tunniunneqarlutik. Kangerlussuarmi utoqqarnut inissianut marlunnut immikkoortut aappaanni ilui suliarineqaleruttorput, upernaamullu iserterfigineqarsinnaalernissaat naatsorsuutigineqarpoq.

Kommunip Illorput 2100-ni ineqarfiini Ini aqputigalugu uffarfiit natii taarsersorneqarput. Arlallit naammassipput kingulliillu decemberip naanerani naammassinissaat naatsoruutigineqarluni.

Sisimiuniit imeqarfiup killeqarfia aqqusaarlugu Kangerluarsuup tulliup qinnguanut ATV-nut aqput 8km. suliarineqareerpoq ukiuuneranilu uninngagallarluni. Imeqarfiup tasiata eqqaani ujaqqanik qaartiternerlukunik atuilluni kussinermik assiaqutaasussamik aqquserngup toqqavianik sanarfisoqarpoq. Nuna toqqavigisaq aqippallaarnera pissutaalluni taarsersuingaatsiartoqartariaqarsimavoq, uani ataatsimiinnermi suliami saqqummiinerup aappaa takuuk.

Sisimiut - Kangerlussuaq aqqusinermik sioraasumik pilersarusiorneq, pilersaarutitut siunnersuut ingerlanneqarpoq. Nunap assinganik atortunik pitsanngorsaaniissamut dronellu atorlugit Geoteknik-imik misissueqqaarnermut naatsorsuinerit naammassineqarput nalunaarusiortoqarlutillu.

Kulturikkut illorsuaq Nipilersornermik ilinniarfimmik Atuakkanillu atorniartarfimmik allilerneqarnera naammassivoq, inaarutaasumik akiliinerit naammassineqarpata aprilip qaammataani sanaartornermi naatsorsuutit saqqummiunneqassasut naatsorsuutigineqarpoq.

Kollegiekumi / MISI-p B-904 allaffeqarfiginikuusaanit Meeqqanut inuusuttuaqqanullu ulloq unnuarlu paaqqinnittarfik naammassillugu pilersarusiorneqareerpoq, sanasunullu suliariumannittussarsiuunneqarluni, ataatsimiititaliallu matoqqasortaani suliarineqassaaq.

Kommunip pilersarusiorfigineqarnerani tapiliussaq nr. 50-imi Nalunnguarfiup kujataani inissiaqarfissamut nutaamut sanaartorfissagissaanermut siunnersorti siunnersuutitut atugassamik suliaqarnermini kinguaattooqqavoq.

Sisimiuni arsaattarfik, siunnersortinut isumaqatigiisumik isumaqatigiittoqareerpoq.

Akiani sisorartarfik, februaarip qaammataani misissueqqaarnerit aallartinneqassapput.

Maniitsumut tunngatillugu 2024-mi januaarimi sanaartukkanut atortulersuutinullu annertunerusunut tullinnguuttunut killiffik:

Ungusivimmi sanaartorfissagissaanerit naammassineqarput, aqquuserngup ingerlaarfiata naggataa illoqarfimmik tullissaanik asfalteqarnermut atatillugu 2025-mi asfalteqarassaaq.

Immikkoortumi inuussutissarsiorfeqarfimmi sanaartorfissagissaaneq (Immikkoortumi inuussutissarsiorfeqarfimmut aqquut Atortulersuutit ilanngullugit) suliniutigineqarpoq, suliamulli missiliuteqarfiusut missingersuutinit qaffasinnerujussuupput.

Sarfat tungaanut aqquutip affaata sinnera naammassivoq, ukiuunerani uninngatikkallarnejarpoq aasamullu naammassineqassalluni.

Unnuartuup ataatingaani Pelikaat eqqaanni kuuffissuarmik nutaamik pilersitsineq ingerlanneqarpoq, nunamik suliaqarnerit sinneri ukiuunerani uninngapput.

Kangaamiuni atuarfiup iluarsartuuneqarneranik neqeroortitsineq nutarsarneqarpoq, januarimilu entreprenørit allamik qinigassalerlutik neqerooruteqarsinnaalersillugit suliariumannittussarsiuunneqaaqqissalluni.

Kilaaseeraq Atuarfianik nutarsaaneq alliliinerlu, suliniummut siunnersuut tigunikuuarput qaammatillu tulliani ataatsimiititalianut saqqummiunneqassaaq suliniummilu neqeroortitsinissaq aallartinneqassalluni.

Ukiami immikkut uuttuinerit ingerlanneqartunut tunngatillugu DGE-miit nalunaarusiaq utaqqivarput.

Atammimmi inuusuttunut inissiat pingasut entreprenørimit suliarineqarput, inissiat iluini sulineq ingerlalluni.

Illoqarfiup bussii nutaat Maniitsumut tikereerput.

Bussinut inissiisarfissaq naammassillugu pilersaarusiorneqareerpoq sanaartortunillu

neqeroortitsisoqareerpoq. Entreprenørinut neqerooruteqartoqanngilaq. Nutaamik

neqeroortitsisoqarnissaanik soqutiginnittoqartillugu piffissaasinnaasut pillugit entreprenørinik isumaqatiginninniarpoqaaqqissaaq.

Sumiiffinni marluusuni, illuutit nutarterneqarnissaannut, sunngiffimmi silami sammisassaqartitsinermit, aalisartut piniartullu atugaannik pitsanngorsaannissamut kiisalu avatangiisinik pitsanngorsaannissamut sulinissamut aningaasat atugassiissutit atorlugit ingerlaavartumik sanaartornermik suliat ingerlanneqarput.

### **Innersuussut**

Teknikkeqarnermut Avatangiisinullu immikkoortortap Teknikkeqarnermut ataatsimiititaliamut innersuussutigaa:

Teknikkeqarnermut, Pilersuinermit Sanaartornermullu 2024-mi januaarimut qaammammut nalunaarusiaq akuersissutigineqassasoq.

### **Aalajangiineq**

Innersuussut akuersissutingineqarpoq

## **Imm. 4.1 Qimmeqarneq pillugu Qeqqata Kommuniata ileqqoreqqusassaatut siunnersuut**

### **Journalnr.**

#### **Tunuliaqutaq**

Qeqqata Kommuniata qimmeqarneq pillugu ileqqoreqqusaa atuuttuusooq 2015-iminngaaneersuuvoq. Kommunip ilaani qimminik qimuttoqarfiup ataani imminermi atuunneruvoq, kisianni kommunimi tamarmiusumi qimminik qimmiliveqarnermut atorpeqarluni.

Sisimilivinnik pilersitsiortornermut aammalu inissat tunniussuunneqalereermata sumiiffimmut ataatsimut qimmilivinnik katersuinnermut nalimmassaasoqarnissaanut toqqammaviliivoq ilutigitillugulu inatsimmi allassimanerani qimminut qimmilivinnut piumasaqaatinik amerlanerusunik piumasaqartoqannginniassamat malittarisassat ajornaanerulersillugit.

Ileqqoreqqusassamat siunnersuutip ilutigitillugu innuttaasunut qimussernermit kulturimik ingerlatitseqqiinnissamik kissaateqartunut innuttaasunullu qimussinik illoqarfiup ilaani nunallu timaanik annikinnerusumik avitseqateqarnissamik eqqarsaatiginnittup akornani oqimaatigiisitsiniarsarivoq.

Qimmiliveqarneq pillugu ileqqoreqqusamat nutaamut siunnersuut Nersutit nakorsaqaarfiata oqartussaqaarfianit akuersissutigineqarallarnikuuvoq malitsigisaanillu kommunalbestyrelsimit akuersissutigineqareernermini sapaatit akunnerini arfineq pingasut tamanut tusarniutigineqassalluni. Tamatuma kingorna inaarutaasumik kommunalbestyrelsimut saqqummiunneqannginnerani Namminersorlutik Oqartussani Inatsisilerinnermut immikkoortoqarfiimi akuersissutigisassanngorlugu nassiunneqassaaq.

#### **Maleruagassatigut tunngavissaq**

- Qimmit qimuttut kiisalu qimmeqarneq qitsuuteqarnerlu pillugit Inatsisartut inatsisaat nr. 18, 30. oktober 1998-imeersoq kiisalu Qimmit qimuttut kiisalu qimmeqarneq qitsuuteqarnerlu pillugit Inatsisartut inatsisaata nr. 24, 28 november 2016-imeersutigut allanngortinneqarnerani Inatsisartut inatsisaatigut allanngortinneqartoq.
- Qimmit qitsuillu pillugit Kommunit ileqqoreqqusaaq pillugit Namminersornerullutik Oqartussat nalunaarutaat nr. 15 ulloq 19. juni 2003-imeersoq
- Qimmeqarneq pillugu Qeqqata Kommuniani ileqqoreqqusaaq 2. februar 2015-imeersoq.
- Kommuninut ileqqoreqqusaaq pillugit Namminersorlutik Oqartussanit malittarisassat 28. april 2023-meersut.

#### **Pissutsit atuuttut**

Qimmeqarnermut tunngasunik nalimmassaanerup annertunersaa qimmeqarneq pillugu inatsimmi uumasunillu illersuineq pillugu inatsimmi nassaasaanerat oqaatigineqassaaq. Taamaattumik nalimmassaanissat suut kommuninut suliaassanngortinneqarnersut killeqarpoq. Kommuni tunngaviusumik nalunaarsuineq, inissiineq, akiuussutissiineq, qimminik pitussimangitsunik tigusermik qimminillu kiisortunik toqoraanissamik qulakkeerinnissaaq.

Aammattaaq oqaatigineqassaaq, qimmeqarfiusooq ataatsimut isigalugu ingerlalluartoq allaffeqarfiup naliliinerimmagu. Qimmiutillit aallaavittut akisussaaffimmik tiguserinissamat imminnullu ikioqatigiinnissamat pikkorissuupput. Ilutigitillugu qimminik pituussaaqqasunut, qimminik sumiginnaanermik naammagittaalliuutinut kiisortunullu allaffeqarfik suliaqarnissamik eqqummaarippoq.

Siunnersuummik matuminnga kommunip nalimmassaarineri ataatsimut katersuunneqassapput, taamaalilluni ileqqoreqqusaaq siunissami qimmeqarnermik najukkami ingerlatsinermit kisimi tunngavittut atuuffeqassalluni. Tamanna innuttaasunut sullissisumullu takunnilluarnerusinnaanermik tunisissaaq. Taamaaliornikkut tullissaani kommunimut pilersaarutip nutarsarneqarnissaanut atatillugu KPT nr. 12 2003-meersoq atorunnaarsinneqarsinnaavoq. Ilutigitillugu siunnersuummik malittarisassanik ajornaanerulersitsisoqassaaq, taamaalilluni inatsimmi oqariartuutigineqartunit qimminik qimmiliveqarnermut piumasaqaatinik amerlanerusunik piumasaqaateqartoqassanani. Tamanna allaffissornermik eqaannerusumik ilutigitillugulu qimmilerisup pingaarnertut suliaassani - inissamik tunniussineq, nalunaarsuineq, akiuussutissanik kapuineq, qimminik pitussimangitsunik tiguserineq, sumiginnaanermik suliaassanik toqutsinermillu ukkataqarnissamat periarfissaqartitsissalluni.

Ilutigitillugu immikkoortumi assigiimmik allaffisornissaaq siunertaralugu allaffeqarfik qimmivilimmik tunniussinermit atatillugu qimmiutilinnut nutaanut qimminik qimuttunik qimmilivimmik ilitsersuummik naatsumik tunniunneqartartussamik kiisalu sullissisunut ilitsersuummik allaffeqarfik suliaqassaaq.

Naggataatungaatigut oqaatigineqassaaq 2024-mi upernaakkut tusarniutigalugu nassiunneqarnissaanik naatsorsuutigineqartumik qimminik qimmivilinnut inatsimmik nutaamik Namminersorlutik Oqartussat suliaqaleruttormata. Allaffeqarfiup naliliinerivaa, immikkoortumik kommunit nalimmassaaneranni inatsisissatut siunnersuut annertunerusumik allannguutinik malitseqassagunangitsoq. Paarlattuanik

13

pisoqassagalarpat tusarniaanerup piffissaata qanngiunerata kingorna siunnersuut taanna tulluarsarnissaa periarfissaavoq.

#### Atuilluartuunissakkut kingunerisinnaasai

Qimminik qimuttunik kulturi pillugu illersuinissaq atuilluartuuneruvoq. Tamanna ilaatigut nalimmassaanermi ileqqut ipitinneqannginnerisigut pissaaq. Ilutigitillugu pingaaruteqarpoq, innuttaasut qimminik qimuttunik inooqateqarnertik toqqissimassutigissagaat aammalu qimmit inuiaqatigiinni akuutinneqarnissaat aamma sukkasuumik allanngoriartorneq malillugu inooqataallutik.

#### Aningaasaqarnikkut allaffissornikkullu kingunerisinnaasai

Siunnersuut aningaasaqarnikkut kinguneqassanngitsoq nalilerneqarpoq. Siunnersuut sullissinermik eqaannerusumik malitseqqassasoq allaffissornikkut nalilerneqarpoq.

#### Allaffeqarfiup naliliinera

Siunnersuutip qimmeqarnermik immikkoortumi eqaannerusumik allaffissornermillu takunnilluarsinnaanerumik qulakkeerinissaaq tamatumani suliassanik pingaarnernik suliaqarnissamik ukkataqartoqarsinnaalluni. Tamanna inuiaqatigiinni nutaaliaasuni qimminik qimuttunik kulturimik ingerlatitseqqiinnermi sulii oqimaaqatigiittoqarnissaanut ilaassaaq.

### **Innersuussut**

Teknikkeqarnermut Avatangiisinullu immikkoortortaqarfiup Teknikkeqarnermut ataatsimiititaliamut, aningaasaqarnermut ataatsimiititaliamut kommunalbestyrelsimullu innersuussutigaa:

Qimmilivinnut ileqqoreqqusassatut nutaatut siunnersuut akuersissutigineqassasoq sapaatillu akunnerini arfineq pingasut tamanut tusarniutigineqassasoq.

### **Aalajangiineq**

Innersuussut akuersissutigineqarpoq

### **Ilanngussaq**

1. Qimmiliveqarnek pillugu ileqqoreqqusassatut nutaatut siunnersuut
2. Ilqqoreqqusamut nutaamut nunap assingi 1-4
3. Qimmeqarnek pillugu Qeqqata Kommuniani ileqqoreqqusaq 2. februar 2015-imeersoq.

**Teknikkeqarnermut ataatsimiititaliap februar-ip 8-ni 2023 ileqquusumik ataatsimiinnerani 01/2024  
oqaluuserisassat**

**Imm. 4.2 2024-mi Teknikkeqarnermut ataatsimiititaliap ataatsimiittarnissaanut siunnersuutit.**

Tunuliaqutaq

Ataatsimiititaliap 2024-mi ataatsimiiffissat ulluinik allattoqarfik siunnersuuteqarpoq.

Kingullermik ataatsimiinnerup kingorna, Aningaasaqarnermut ataatsimiititaliaq Kommunalbestyrelsilu ataatsimiittarnissamut ullut akuersissutigineqarput, taamaattumillu ataatsimiittarnissamut ullussatut siunnersuutit matumuuna nassiuneqarput. Teknikkeqarnermut ataatsimiititaliaq sisamanngornikkut ataatsimiittarpoq, Ilinniartitaanermut ataatsimiititaliaq ataasinngornermi kiisalu Atugarissaarnermut ataatsimiititaliaq marlungornikkut ataatsimiittarlutik.

Allaffeqarfiup naliliinera

Ullut ataatsimiiffissatut aalajangiiffissatut siunnersuutit tullinnguuttutut isikkoqarput:

Ataatsimiinneq nr.	Teknikkeqarnermut ataatsimiititaliaq	Aningaasaqarnermut ataatsimiititaliaq	Kommunal Bestyrelsi
1	<b>Sisamanngorneq 8. februar</b>	20. februar	29. februar
2	<b>Sisamanngorneq 7. marts</b>	19. marts	
3	<b>Sisamanngorneq 4. april</b>	16. april	25. april
4	<b>Pingasunngorneq 8. maj</b>	21. maj	30. maj
5	<b>Sisamanngorneq 6. juni</b>	14. juni	23. juni
		20. august	
6	<b>Sisamanngorneq 5. september</b>	17. september	26. september
7	<b>Sisamanngorneq 10. oktober</b>	22. oktober	31. oktober
8	<b>Sisamanngorneq 7. november</b>	19. november	28. november
9	<b>Sisamanngorneq 5. december</b>	17. december	

**Innersuussut**

Teknikkeqarnermut Avatangiisinullu immikkoortortap siuliani eqitsimmit ullut allassimasut Teknikkeqarnermut ataatsimiititaliamit akuereqqullugu innersuussutigaa.

Innersuussutigineqartoq akuersissutigineqassasoq

## **Aalajangiineq**

Innersuussut akuersissutigineqarpoq



## **8. Tamalaat**

Nukaaraq – assaassuteqqat nunaqarfinni aqutsisut tunniuttagaat amigartut, ilassuteqartoqarsinnaanersoq. 150.000 kr. tapersuteqarsinnaagaluar mata. Immikkut oqaluuserisassanngortillugu. Bygdebestyrelsep aningaasaatai 150.000 kr. tapiutigerusukkaluarpaat.

**Gideon** – sarfat tungaanut aqqut aputaajarneqarsimasoq. Mailikkut paasissutissiisoqassaaq.